

TIMOTEO

Jmo₅ Pa₄ si₂ a₂chein₃ ne₄ Timoteo

1 ¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄
quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄.
² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guè'₂ dsa₂ ma₂líng'₅
co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄.
Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄
quian'₅₄ Te₁gui'₅₄ Cristo Jesús quián₂ jniog₄ 'ua₁ nēi₂ dsí₅ ja₁cong'₂,
a₂'ag₃ tei₄ 'au'₂ né₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ juig₂
Efeso ia₁jaun₂ juig'₅₄ dsa₂ i₂lín₅₄ a₂tsá₃ jme₃tag₂₃ juá'₅ a₂tsá₃ dsau₅, ⁴ on₃
guè'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'ín₅ dsa₂ dsa₂ can'₅₄
i₂jme₁chan₂ ma₂líg'₂, jág₁ a₂tsá₃ líg'₂ jmig₄ dsian₅. Jnia'₅₄ con'₂ dsiog₅
mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄,
a₂lē₂ tē₂le₃ quian'₅₄ a₂'én₂ dsa₂.

⁵ Jē₁ma₂le₁jé₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃
a₂ca₂tág₂ jniog₄ jmó₁, on₃jua'₅₄ a₂lē₁jmo₂ a₂'éin₂ né₃, jaun₂ gué₄ lé₂
le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ qui'₅
'éi'₃ la₂. ⁶ Ia₁ i₂lín₅₄ dsa₂ ma₂i₂lén₂ tē₂le₃ cau₅ ma₂i₂cóin'₅ jui₅ quian'₅₄
jág₁ a₂tsá₃ ta₁ tí₄. ⁷ 'Nio₃ léin₂ tē₂juá'₅, la₁ jnia'₅₄ guioin₅₄ bá₄ tsá₃ nji'₂ 'e₂
juá'₂ a₂jme₂tiin₂₃ dsa₂, nág₅₄ rē₂ 'ei₅ caun₂ dsí₅, nē₂jag₄ bá₄ a₂dsau₅
dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ nē₁jua'₂ ca₂jmó'₂ dsa₂ ta₁ con'₂
dsi₂ten₅₄. ⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂
dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃: o₄quió'₄ jui₁lia'₂ dsa₂
i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃
Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅
dsa₂ né₃; ¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃,
o₄quió'₄ jui₁lia'₂ dsa₂ nē'₂ i₂nió'₅ jág₁ 'lig'₅₄ quian'₅₄ dsa₂ nē'₂ rin'₅₄,
o₄quió'₄ dsa₂ i₂'ang₅ 'ín₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄
dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ gué₄
cosa a₂tsá₃ lē₅ con'₂ lē₅ juá'₅ dse₃. ¹¹ Juá'₅ dse₃ la₂, co₂rē₂ bá₄ quin₅
quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jnió₅ o₄gu₃ jniá₂.

Ia₁ 'ua₁ dsí₅ Diú₄ jaun₂ cuē₅ Pa₄ ti₁'mag'₄

¹² Cuē₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁
qui₂ma₂cuē₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄

jniá₂ lia'₂ ja₁jín₂ jan₂ dsa₂ i₂rë₂ti'₅₄. ¹³ Ca₂jmo₃ Cristo ca₂le₃jé₃ nê₅ ja₁con₂ jniá₂, o₁jñia'₅₄ jme₁dsia₅ jniá₂ 'lig'₅₄ jme₁'fin₅ le₂jñiá₅, qui₂ca₂'éng₃ dsa₂ i₂jme₁quiain'₅₄, qui₂ca₂jmai'₄ jniá₂ tsau₂ dsi₃ nê₃. La₁ ca₂dsia₃ Te₁gui'₅₄ néi₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. ¹⁴ Jaun₂ Te₁gui'₅₄ quián₂ jniog₄ 'ñio₅ lin₃ ca₂jmo₃ 'ua₁ dsí₅ ja₁cong₂, a₂ca₂rë₃'éng₂ le₃quió'₅ Cristo Jesús i₂'nio₃ gué₄ lin₃.

¹⁵ Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güí₃ la₂, a₂qui₃lióin₂ dsa₂ i₂le₁cán'₄ dso₄; jë₄ quió'₅ 'éi₂, jniá₂ líng₅ i₂le₂'uig₅₄ i₂rë₂cán'₄ gué₄ dso₄. ¹⁶ La₁ Diú₄ ca₂dsia₃ néi₂ dsí₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo néi₂ dsí₅ lióin₂ dsa₂ i₂ñí₄ rin₂ dso₄. Le₂jaun₂ bá₄ ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ të₂le₃ quió'₅ Jesucristo ia₁jaun₂ le₃chain₂ co₂tan₅₄. ¹⁷ Jaun₂ lë₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmig₄ jón₂, on₃ gué'₂ jniái₂, i₂jan₂ tan₅₄ Diú₄ i₂ñí'₂ dsí₅: jui₁jme₂go₃ dsa₂, jui₁jme₂juag'₂ dsa₂ ca₂le₃jé₃ jmig₄ ñi₂ a₂já₅. A₂méi₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lé₅ jág₁ dse₃ a₂ca₂cuë₃ Jme₂dsí₂ Jnió₅ ca₂cué'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jñiá₅: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, të₂le₃ quian'₅₄ jág₁ a₂ca₂cuë₃ dsa₂ jaun₂: ¹⁹ a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ nê₃. I₂lin₅₄ dsa₂, 'uig₅₄ ia₁ a₂ca₂dsia₃ cau₅ a₂nê₅ ca₂i₃'én₂ a₂'éin₂, nê₂jag₄ bá₄ caun₂ ni₁barco a₂ca₂lë₃ le₁juig₁ le₁dsog'₅₄ ne₄ jmi₁ñí'₄. ²⁰ Le₂nê₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jín'₄ jniá₂ ja₁con₂ i₂së₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ të₃'oin'₂ Diú₄.

Cuë₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

2 ¹ Jë₁le₂'uig₅₄, chi₁quian₅₄ jniá₂ jmig₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuë'₅₄ 'nia'₂ ti₁'mag'₄ nê₃, o₄quió'₄ ca₂le₃jín₃ dsa₂, ² o₄quió'₄ jui₁lia'₂ rag₅₄, o₄quió'₄ ca₂le₃jín₃ jui₁lia'₂ dsi₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mî'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jé₃ jme₂dsí₂ quián₂ ne₄ ca₂le₃jé₃, le₃ne₄ Diú₄. ³ Ia₁ le₂nê₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, ⁴ i₂'nio₃ lión₂ ca₂le₃jín₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅. ⁵ Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jë₄ quió'₅ Diú₄ quian'₅₄ dsa₂ mi₂güí₃. Dsa₂ 'éi₂ lín₅ Cristo Jesús.^a ⁶ 'Éi₂ nê₃ ca₂jín'₂ 'ñiog₅ ca₂quí₃ 'lia'₅₄ ia₁jaun₂ lión₂ ca₂le₃jín₃ dsa₂. Jág₁ dsau₅ nê₅ nê₃, ca₂rë₃ñi₅ dsa₂ jme₁ca₂té₂ jmig₄ a₂le₃ñi₅. ⁷ Ta₁ jaun₂ ca₂rë₃'ín₁ jniá₂ ia₁jaun₂ léng₂ jan₂ i₂'é₂ jág₁, jan₂ i₂chen₄ quián₅ Jesús nê₃, jan₂ të₅

^a5 o₃, “Jesucristo.”

i₂jme₂tin₅ dsi₂nau₂ jui₁lia'₂ 'a₂ lia'₂ lě₅ a₂lén₂ dsa₂, 'a₂ lia'₂ lě₅ jág₁ tí₅ ně₃.
Jág₁ dsau₅ bá₄ a₂juá'₅,^b tsá₃ tē₂jíng₁.

⁸ Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂
qui₂le₁jě₃ tē₂dsí₅, on₃jua'₅₄ a₂i₄ 'nei₂ dsí₅, on₃ guē'₂ a₂qui₂tsiin₂₃ quian'₅₄
riin'₅₄. ⁹ 'Io₅₄ guē'₂ ně₃ 'nió'₅ quí'₃ tsin'₅₄ con'₂ dsi₂ten₅₄, dse₃ jniá₂, li'₅₄
quió'₅. Jui₁jmoi'₅₄ a₂rē₂liin₅₄, on₃jua'₅₄ quian'₅₄ a₂ŋí₄ lě₃ jlá'₁ qui₂rē₂lag₄
dsi₅₄, on₃ guē'₂ quian'₅₄ cu₄nióg₄, on₃ guē'₂ quian'₅₄ mīg₂ perlas a₂tó'₅
lag₅₄, on₃ guē'₂ quian'₅₄ tsin'₅₄ 'mu'₅₄ ně₃; ¹⁰ tē₂le₃ quian'₅₄ a₂dse₃
a₂qui₂jmo₂₃ bá₄ 'nió'₅ jmói'₂, jui₁lia'₂ ca₂tín₂ jmo₃ dsa₂ mī₂ i₂ma₂jín'₂
ja₁con₂ Diú₄. ¹¹ Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄
a₂jme₂tag₅ dsa₂, a₂caun₂ nei'₅₄ jē₄ ca₂le₃jě₃. ¹² Tsá₃ cuē₅ jniá₂ jmig₄ jua'₅₄
a₂jme₃tag₅ 'io₅₄, on₃ guē'₂ jua'₅₄ jmo₃ 'éi'₃ ja₁con₂ dsa₂ ŋe'₂. Jnia'₅₄ lia'₂
'nió'₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂jmó'₂ Diú₄; cang₂ bá₄
ca₂jmói'₂ Eva. ¹⁴ Jaun₂ on₃jua'₅₄ Adán i₂ca₂rē₃gán₃; 'io₅₄ bá₄ i₂ca₂rē₃gán₃
jaun₂ ca₂táin'₂ dso₄. ¹⁵ La₁ia₁, líón₂ bá₄ 'io₅₄ ně₁jua'₂ jme₂cain'₅₄ chí'₂-
guein₂ quiáin₅, chí₂jua'₂ caun₂ 'éin₂ jág₁ quió'₅ Diú₄, caun₂ 'nioi₃ riin'₅₄,
caun₂ chain₂ le₁jě₃ jme₂dsí₂ quió'₅, a₂li'₅₄ quió'₅ ně₃.

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

3 ¹ Dsón'₂ bá₄ dsau₅ jág₁ la₂: chí₂jua'₂ 'ein₂ 'nia'₂ 'nio₃ cán₂ ne₄ jui₅
jnia₃ rin'₅₄,^c ta₁ dse₃ bá₄ jaun₂ 'ín₅ dsi₅. ² Jaun₂ lě₃ juá'₅ jniá₂, dsa₂
i₂chén'₅ ne₄ jui₅a tsá₃ 'nió'₅ jua'₅₄ cha₂ ja₁coin₂ a₂lé₂ le₃bóg'₂ dsa₂ dso₄,
jua'₅₄ a₂'ag₃ 'lig'₅₄. Ján₃ guē'₂, jan₂ bá₄ 'io₅₄ quiáin₅ i₂guá₅ quiain'₅₄; 'en₅₄
dsí₅ 'nió'₅ lén₂; li'₅₄ quió'₅, i₂ŋi₅ con'₂ dse₃ jniá₂, qui₂guein₃ dsa₂ dsi₂néi₂
quió'₅, qui'₅₄ jmig₄ jme₃tiin₂₃ dsa₂. ³ Tsá₃ 'nió'₅ ŋi₃ 'ein₅, on₃ guē'₂
qui₃'no₃ mī'₅₄, on₃ guē'₂ 'nió'₅ jmo₃ 'ín₅ dsí₅ jua'₅₄ a₂lē₁ 'nio₃ lí'₂ cu₄
quió'₅ dsa₂. Tē₂le₃ 'nió'₅ ŋi₃ caun₂ tei₄ jmo₃ 'ua₁ dsí₅ quian'₅₄ riin'₅₄, tsá₃
'nió'₅ jmo₃ jua'₅₄ a₂ŋí₄ lě₃ 'ín₅ dsí₅ cu₄. ⁴ 'Nió'₅ ŋi₅ 'a₂ lia'₂ jniai₃ dsa₂
dsi₂néi₂ quió'₅, 'a₂ lia'₂ co₂jén'₂ chí'₂ quiáin₅ ia₁jaun₂ bá₄ jme₂go₃ chí'₂
quiáin₅ ne₄ ca₂le₃jě₃. ⁵ Ia₁ ně₁jua'₂ tsá₃ ŋi₅ 'a₂ lia'₂ jniai₃ dsa₂ dsi₂néi₂
quió'₅ ně₃, 'a₂ bá₄ lia'₂ lé₂ le₃jmo₃ 'í₁ guá'₅ quián₅ Diú₄? ⁶ Tsá₃ 'nió'₅
cán₂ ne₄ jui₅ quió'₅ guá'₅ jan₂ i₂tē₂ca₂rē₃lén₂. Ia₁ con'₂ tsá₃ ŋó₅ ně₁jua'₂
'ŋio₅ ca₂jmo₃ róin₂, tiáin'₃ jui₁lia'₂ ca₂tán'₂ i₂sē₃dsen₃. ⁷ Ján₃ bá₄ 'nió'₅
'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ ŋó₅ ně₁ca₂táin'₂ jág₁
lia'₂ chain₂, a₂tiáin'₂ tsí₁cág'₅ quió'₅ i₂sē₃dsen₃ ně₃.

'A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂ně₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂
dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂
i₂lē₁qui₂co₅ jág₁ quió'₅, on₃ guē'₂ 'nió'₅ i₃nioi₅₄ 'ein₅, tsá₃ 'nió'₅ jmo₃ 'ín₅

^{b7} A₂lin₅₄ chog₅₄ si₂ juá'₂ ján₃: "le₃quió'₅ Cristo."

^c 1,2 griego: epískopos.

dsí₅ jua'₅₄ a₂lë₁'nio₃ lí'₂ cu₄ quió'₅ dsa₂. ⁹ 'Nió'₅ jmo₃ 'í₁ jág₁ dse₃
a₂rë₂'ma₄ quió'₅ Diú₄ a₂'éin₂ jniog₄, a₂le₁jé₃ të₂dsí₅. ¹⁰ 'Nió'₅ con₂ de'₂
dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₃'o₅₄ në₁jua'₂ 'a₂ lia'₂ lín₅.
Në₁jua'₂ tsá₃ 'e₂ riin₂, jaun₂ gué₄ dsi₂ten₅₄ lén₂ dsa₂ i₂jme₂'o₅₄a quián₅
guá'₅. ¹¹ Jui₁lia'₂ dsa₂ mí₂ guë'₂ né₃, ján₃ bá₄ le₂jaun₂ 'nió'₅ li'₅₄ quió'₅,
tsá₃ 'nió'₅ a₂lë₁bóg'₂ dso₄. 'Nió'₅ 'en₅₄ dsí₅ lén₂, rë₂ti'₅₄ jë₄ ca₂le₃jé₃ né₃.
¹² I₂jme₂'o₅₄ quián₅ guá'₅a 'nió'₅ jmo₃ ján₃, jan₂ bá₄ 'io₅₄ quiáin₅ i₂rë₂jen'₂
gu₂ quiáin₅₄. Jaun₂ 'nió'₅ ñi₅ 'a₂ lia'₂ co₂jén'₂ con'₂ dsi₂ten₅₄ chi'₂
quiáin₅, quian'₅₄ dsa₂ dsi₂néi₂ quió'₅ né₃. ¹³ Ia₁ jui₁lia'₂ dsa₂ i₂jme₂'o₅₄^d
i₂rë₂ti'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃ quió'₅, ton'₂ ján₃ guë'₂
caun₂ gué₄ 'ag₃ dsí₅ a₂dsia₃ 'a₂ lia'₂ 'éin₂ të₂le₃ quió'₅ Cristo Jesús.

Le₂la₂ lé₅ jág₁ quió'₅ Diú₄ a₂'éin₂ jniog₄

¹⁴ 'ín₂ dsi₃ jniá₂ nei₅₄ ñi'₅₄ ta₁ i₁jing₁₂ 'ne₂. La₁ né'₃ a₂dsióg₄, jmo₂₃ si₂
la₂, ¹⁵ ia₁jaun₂ në₁jua'₂ ca₂rë₃'ing₅₄, le₃ñi'₅₄ bá₄ 'a₂ lia'₂ ca₂tín₂ i₃nio₄ dsa₂
dsi₂néi₂ quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'uig₅₄ 'ia'₂,
'ma₂dsi₅ né₃, quió'₅ jág₁ tí₅. ¹⁶ Dsón'₂ bá₄ juë'₂ juá'₅ a₂'éin₂ jniog₄,
a₂jme₁rë₂'ma₄ le₂jniá₅:

Ca₂guan₃ Diú₄ chi₁dsain₂;

ca₂jme₃jniog₅ Jme₂dsí₂ a₂lín₅ i₂dsen₃;

ca₂jág₂ ángeles;

ca₂rë₃'é₂ jág₁, ca₂'ag₃ dsa₂ jin₄ dsi₂nau₂;

ca₂rë₃'én₂ dsa₂ mi₂güí₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juí₃ né₃.

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

4 ¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂
lé₂ jmig₄ jë₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄,
tón'₂ jui₅ jág₁ quió'₅ jme₂dsí₂ i₂jui₁gan₂, jág₁ juá'₅ a₂já₅ quió'₅ je₂na'₅₄
né₃, ² a₂jme₂tag₅ dsa₂ i₂jnia'₅₄ qui₂le₁'ág₄ dse₃ o₁ne₁, i₂co₂jmo₅ jág₁
të₂jág₁, i₂tsá₃ ma₃'e₂ qui₂dsi₂jñi₅ dsí₅ ia₁ ma₂lé₅ dsí₅ në₂jag₄ bá₄
a₂ma₂cáu₂ quian'₅₄ ni₁ñí₁ dséi₂. ³ Jme₃tag₂₃ a₂tsá₃ ma₃jén'₂ dsa₂ gu₂;
a₂lín₅₄ má₃ guë'₂ né₃ tsá₃ ma₃cuë₃ jmig₄ jua'₅₄ a₂gué'₃ gué₄ dsa₂, o₁jnia'₅₄
ca₂jmo₃ Diú₄ ca₂le₃jé₃ ne₅₄ cosa ia₁jaun₂ gué'₃ dsa₂ i₂'én₂ i₂cuí'₅ jág₁
dsau₅, a₂cuë₃ ti₁'mag'₄ né₃. ⁴ A₂dse₃ jë₂ bá₄ a₂ca₂jmo₃ Diú₄. Jaun₂ dse₃
bá₄ guéi₁ jniog₄ cuë₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi₁. ⁵ Ia₁
ma₂ron₅ jág₁ quió'₅ Diú₄, juá'₂ a₂le₁jé₃ bá₄ jaun₂. Jme₂jnió₃ bá₄ Diú₄
jme₁cuë₅ dsa₂ ti₁'mag'₄.

^d8,10,12,13 griego: diákonous.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂ně₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rě₂tang'₅₄, rě₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ ně₃. ⁷ La₁ tsá₃ lě₁tón'₂ jui₅ jág₁ co₄ a₂lě₁dsia₅ dsa₂ mi₂güí₃g₃, on₃ guě'₂ tón'₂ jui₅ cuentos a₂le₁dsia₅ guiong'₂ can'₅₄ ně₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ni₁₂ jui₁lia'₂ jme₁co₂₃. La₁ 'ñio₅ lin₃ guě'₄ dse₃ jme₃dsau₅ dsa₂ tē₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂ně₅ bá₄ cuě₃ a₂dse₃ quián₂ jniog₄ mi₂güí₃g₃ caun₂, on₃jua'₅₄ jmá'₃ ne₄ gua'₅₄ 'uě₃ la₂. ⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ tē₃dsón'₂ bá₄ dsau₅. ¹⁰ A₂jaun₂ bá₄ lě₃ dsen₅₄ dsi₅ jmo₂ jniog₄ ta₁, qui₂jnaú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsi₅ tē₂le₃ quió'₅ Diú₄ jén'₃ tē₃dsón'₂ i₂lín₅ i₂lió₂ quián₅ ca₂le₃jín₃ dsa₂, la₁ tē₂le₃ dsen₅₄ guě'₄ quián₅ dsa₂ i₂'én₂.

¹¹ Jág₁ ně₅ ca₂tíng'₂ juig'₅₄ dsa₂, jme₁tiin'₂ ně₃. ¹² Tsá₃ lě₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Tē₂le₃ 'ñio₅ lin₃ guě'₄ ca₂tíng'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂: jui₁lia'₂ 'a₂ lia'₂ lě₅ jág₁ quiáng'₂, jme₁dsia'₂ jág₁, jui₁lia'₂ 'a₂ lia'₂ chang'₂ ñi'₂, jui₁lia'₂ 'a₂ lia'₂ 'nió'₃ 'ne₂ dsa₂ ríng'₂, jui₁lia'₂ 'a₂ lia'₂ 'éng'₂, jui₁lia'₂ 'a₂ lia'₂ chang'₂ a₂le₁jě₃ tē₂'au'₂ ně₃. ¹³ Tē₁lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tióin'₂ jág₁ dse₃ jme₁tiin₅ ně₃. ¹⁴ Tsá₃ jui₁dsi₂'én₂ 'au'₂ a₂ma₂cuě₃ Diú₄ a₂ma₂tíng'₂ a₂ca₂ñig'₂ tē₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jě₃ a₂ně₅, ia₁jaun₂ le₃lí₄ dsa₂ a₂ma₂dsi₂jniág'₄ a₂tíng'₂. ¹⁶ Jmo₄ 'í₁ 'ñiag'₂, ján₃ guě'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂ně₅. Nē₁jua'₂ ca₂jme₁ti₄ ca₂le₃jě₃ a₂ně₅, long'₅₄ 'ñiag'₂, ján₃ guě'₂ long'₅₄ ca₂le₃jín₃ i₂nag₅ jág₁ quiáng'₂.

'A₂ lia'₂ 'nió'₅ jmo₃ jin₄ dsa₂ 'én₂ riin'₅₄

5 ¹ Tsá₃ lě₁tě₂jén₅ jui₁lia'₂ dsa₂ ma₂guen'₂. Tē₂le₃ 'nió'₅ tióin'₂ jág₁, jmo₄ bá₄ 'au'₂ co₂'nió'₄ ñéi'₅. Ján₃ guě'₂ le₂jaun₂ dsa₂ ñe'₂ chi'₂, jmo₄ 'au'₂ jiin₅₄ lia'₂ ja₁jíng'₅₄ ríng'₂. ² Ján₃ guě'₂ le₂jaun₂ jui₁lia'₂ dsa₂ mí₂ ma₂guen'₂ ně₃, jme₁'nió₄ jui₁lia'₂ 'nióg'₃ chog'₂. Le₂jaun₂ guě'₂ jui₁lia'₂ 'io₅₄ chi'₂, jiin₅₄ jme₁'nió₄ jui₁lia'₂ ja₁'nióg'₃ 'io₅₄ ríng'₂ ján₃, a₂le₁jě₃ 'au'₂ co₂ñei'₅₄.

³ Jui₁lia'₂ 'io₅₄ 'nág₂ guě'₂ ně₃, jme₁'oin₅₄ nē₁jua'₂ léi₄ a₂'nió'₅ dsón'₂ quió'₅. ⁴ La₁ nē₁jua'₂ jan₂ dsa₂ mí₂ 'nág₂ chan₂ chi'₂ quiáin₅ o₃ chi'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tín₅ dsí₅ nio₃ ne₅₄ chog₅₄, a₂jéin₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂ně₅ bá₄ dse₃, 'ñio₂ dsí₅ Diú₄. ⁵ 'Io₅₄ 'nág₂ i₂tē₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂lén'₂ Diú₄ 'uě₂-jmi₂ mi₂₃ 'e₂ 'nió'₅

quió'⁵. ⁶La₁ nē₁jua'₂ 'io₅₄ 'nág₂ i₂lē₁ñi₅ cué'₅ o₂'ñio₃ o₂jñia₃ dsi₅ 'ñiog₅ né₃, co₂'nió'₄ 'lag₄ bá₄ 'éi₂ chan₂. ⁷Jaun₂ ca₂le₃jé₃ a₂nē₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuin₃ jmig₄ 'ag₃ dsa₂ 'lig'₅₄. ⁸Nē₁jua'₂ chan₂ i₂tsá₃ jui₅ tón'₂ 'e₂ ta₁ chain₂ quaiain'₅₄ i₂chan₂ quiáin₅, la₁ 'ñio₅ lin₃ gué'₄ nē₁jua'₂ tsá₃ tón'₂ jui₅ i₂chan₂ dsi₂néi₂ quió'₅ 'ñiog₅ né₃, ma₂dsia₃ cau₅ a₂'éin₂; i₂le₂'éi₂ lín₅ tson₂ gué'₄ lia'₂ dsa₂ i₂tsá₃ 'én₂.

⁹'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lé₅ gué'₄ ma₃'nag'₂ ne₂guióg₂ ñi₂, i₂ma₂jñia₃ jan₂ bá₄ dsi₂i₂gu₂. ¹⁰'Nió'₄ dsa₂ i₂ma₂cuin₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jē₁ma₂já₅, jui₁lia'₂ chi₂jua'₂ ma₂ca₂jme₃cain'₅₄ chi'₂-guein₂ quiáin₅, chi₂jua'₂ ma₂qui₂ma₂cué₃ bá₄ 'ñio₂ dsi₅ dsi₂néi₂ quió'₅ ma₂qui₂ma₂jñia₃ dsa₂, chi₂jua'₂ ma₂ca₂jme₃ti₃ bá₄ ta₁ 'ñio₂ dsi₅ ne₄ dsa₂ rin'₅₄ jniog₄ i₂'én₂,^e tsá₃ jmo₂₃ dsi₅ jua'₅₄ quein₅ gué'₄ con'₂ gué'₄ riin'₅₄, chi₂jua'₂ ma₂ca₂jme₃oin'₅₄ bá₄ i₂chan₂ o₂i₁ dsi₅, chi₂jua'₂ ma₂jmo₃ ca₂le₃jé₃ ne₅₄ a₂dse₃ né₃. ¹¹La₁ tsá₃ tē₃ton'₅₄ ne₄ si₂ 'io₅₄ 'nág₂ i₂tion'₅₄ me'₂ gué'₄ ñi₂, ia₁ jē₁ma₂ca₂lē₃ dsi₅ 'ñio₅ lin₃ gué'₄ tón'₂ jui₅ a₂mi₅ dsi₅ con'₂ gué'₄ a₂jme₃ti₃ ta₁ a₂tióin₂ ne₄ Cristo, gu₂ bá₄ tiá₂ 'nio₃ jéin'₃ táng₃. ¹²Le₂nē₅ bá₄ rē₂cáin'₄ ia₁ tsá₃ ca₂rē₃ti'₅₄ jág₁ quió'₅ a₂ma₂cué₃. ¹³Ján₃ gué'₂ con'₂ tsá₃ ñó₅ nē₁jua'₂ ca₂rē₃tín₃ dsi₅ jñia'₅₄ i₂nioi₅₄ tē₂juiin₂ tsi₁jiiin₁₂. Ján₃ gué'₂ le₂jaun₂, on₃jua'₅₄ rē'₂ jñia'₅₄ tiin₂ i₂nioi₅₄ tsi₁jiiin₁₂, dsi₂léin₂ le₂'í₁ 'né₅ ton'₂ qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tíin₂. ¹⁴Jaun₂ lē₃ 'nio₃ jniá₂ co₂ñei'₅₄ jén'₂ táng₃ gu₂ jui₁lia'₂ 'io₅₄ 'nág₂ chi'₂, jui₁le₂chan₂ chi'₂-guein₂ quiáin₅, jui₁lein₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cuin₃ jmig₄ jmo₃ i₂sē₃dsen₃ lé₂ dsi₅ dsa₂ 'ag₃ 'lig'₅₄. ¹⁵Ia₁ i₂lin₅₄ ma₂i₂léin₂ cau₅, 'ein₂₃ Satanás.

¹⁶Chi₂jua'₂ chan₂ rin'₅₄ jniog₄ dsa₂ ñe'₂, o₃ dsa₂ mí₂ 'e₂,^f chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ñí₄ lē₃ guei₂ cán₂ guá'₅, ia₁jaun₂ bá₄ cuin₃ jmig₄ lé₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

¹⁷Dsa₂ can'₅₄ i₂jmo₅ 'éi'₃ dse₃ guá'₅, tin₃ ráun₂ lé₅ gué'₄ 'nió'₅ jme₃go₃ dsa₂, jág₂ dsa₂ dse₃. La₁ 'ñio₅ lin₃ gué'₄ ca₂tín₂ dsa₂ jín₂ dse₃ jme₃'nioi₃ i₂jmo₅ ta₁ i₂cué₅ jág₁ jme₂tag₂₃. ¹⁸Ia₁ ne₄ Si₂ quió'₅ Diú₄ juá'₂: “Tsá₃ lē₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂'uíg₂ mīg₂ trigo.”^g Ján₃ gué'₂ le₂jaun₂ juá'₂ Si₂: “Ca₂tín₂ bá₄ dsa₂ i₂jmo₅ ta₁ gue₃ 'liain'₅₄.”^h

¹⁹Tsá₃ lē₁tón'₂ jui₅ nē₁jua'₂ chan₂ 'ein₂ dsia₅ dso₄ 'nii₂₃ jan₂ gui'₅₄ can'₅₄ nē₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅.ⁱ ²⁰La₁ jui₁lia'₂ dsa₂ i₂caun₂ 'no₅ dso₄, tē₂jéin₃ tē₃jē₄ ja₁le₁ñi'₂ 'nia'₂ ca₂le₃jíng'₃, ia₁jaun₂ tē₃ ne₄ ca₂le₃jín₃ jaun₂ le₃gó'₃ ján₃. ²¹O₄quió'₄ Diú₄, quian'₅₄ Te₁gui'₅₄

^e10 lit. “chi₂jua'₂ ma₂qui₂ma₂rang₃ mi₂tag₄ dsa₂ jñio₅.”

^f16 A₂lin₅₄ chog₅₄ si₂: “Chi₂jua'₂ chan₂ dsa₂ mí₂ rin'₅₄ jniog₄.”

^g18 Deuteronomio 25:4.

^h18 Lucas 10:7.

ⁱ19 'Nio'₂ ja₁ton₅ Números 35:30, Deuteronomio 17:6.

Jesucristo, quian'⁵⁴ ca₂le₃jín₃ ángeles i₂ma₂quióin'², cuë₅ jniá₂ 'éi'³ la₂ ia₁jaun₂ jme₁ti'⁴ 'ne₂: Tsá₃ jmó'² jua'⁵⁴ a₂jing'⁵⁴ jma₃quén₅ ríng'² a₂jmó'² i₂lin₅₄ tē₁jéng'⁴, i₂lin₅₄ guē'² tsá₃ tē₁jéng'⁴. Co₂rē₂ bá₄ tē₁jéng'⁴ con'² i₂ca₂tín₂ dsi₃jen₅₄. ²² Tsá₃ caun₂ lē₁ín₅^j de'² tē₂le₃ dséi₂ dsa₂ i₂jio₃ cán₂ ne₄ jui₅ guá'⁵, con'² tsá₃ ŋó₅ nē₁jua'² le₃jio₄ 'ne₂ ca₂rē₃cáng'² dsáu₁ i₂sián'². Jmo₄ 'í₁ a₂chang'² le₁jé₃ tē₂'au'².

²³ Ia₁ a₂rē₂dsong'⁵⁴ i₂gú'³ ton₅ dso₄ tog'², tsá₃ ma₃'nió'⁵ 'ag'⁵⁴ jmá'³ jmig₂; 'én'² ca₂la₂ vino ján₃.

²⁴ Dso₄ a₂'no₅ dsa₂ i₂lin₅₄ a₂léi₄, jniá₂ dse₃ bá₄ né'³ a₂dsi₁lein₃ ja₁jáng'³ cuenta quió'⁵. Quió'⁵ i₂lin₅₄ guē'² tsá₃ léi₄ dsi₂jui₅. Cang₂ bá₄ rē₂léi₄.

²⁵ Ján₃ guē'² le₂jaun₂, chi₂jua'² 'e₂ dse₃ jmo₅ dsa₂, rē₂léi₄, jniá₂ bá₄. O₁jnia'⁵⁴ tsá₃ qui₂rē₂jniá₂ dsi₂jui₅, tion₅₄ bá₄ rē₂jniá₂ jui₁la₂ 'ió₃.

6 ¹ Dsa₂ i₂jme₂ti₃ ta₁ ne₄ juig₅₄ 'nió'⁵ jme₃gain₃ juig₅₄ ia₁jaun₂ tsá₃ chi₂'ag₃ dsa₂ 'lig'⁵⁴ 'iin₃ Diú₄, on₃ guē'² 'ē₃ dsa₂ 'lig'⁵⁴ 'e₂ jme₂tín₁ jniog₄ dsa₂. ² Chi₂jua'² chan₂ juig₅₄ i₂'én₂ né₃, tsá₃ jua'⁵⁴ jaun₂ 'nió'⁵ jme₃go₃ dsa₂ me'² guē'⁴ ia₁ lín₅ dsa₂ 'én₂ riin'⁵⁴. Co₂rē₂ bá₄ 'nió'⁵ jme₃gan₃ dsa₂ riin'⁵⁴ con'² riin'⁵⁴ i₂'én₂ tē₂le₃ quió'⁵ Cristo. Tē₂le₃ 'nió'⁵ jme₃ti₃ guē'⁴ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rin'⁵⁴ i₂'nió₄. Le₂nē₅ jme₁tín₅ dsa₂, tioin'² jág₁ né₃.

'Ag₅ dsa₂ dse₃ dsí₅ jmo₂₃ 'io'₂ quian'⁵⁴ juá'₅

³ Chi₂jua'² chan₂ i₂jme₂tag₅ le₂siá'², ton'² tsá₃ dsáu₅ dsí₅ jág₁ dse₃ quió'⁵ Te₁gui'⁵⁴ Jesucristo, on₃ guē'⁴ juá'₅ quió'⁵ Diú₄ né₃, ⁴ a₂jnia'⁵⁴ con'² jme₂rón₂ 'niog₅ bá₄ dsa₂ 'éi₂, 'i₁ca₂juig₄ tsá₃ 'e₂ ŋí'² dsí₅. Nē₂jag₄ bá₄ i₂dso'⁵⁴ bá₄ i₂le₂'éi₂, ia₁ a₂jnia'⁵⁴ 'nio₃ dsia₃ mī'⁵⁴ quian'⁵⁴ jág₁. 'Uig₅₄ jaun₂ ja₂ uig₅ dsí₅ dsa₂, qui₂tsin₅ dsa₂, qui₂jná'² dsa₂ jág₁ uig₅ riin'⁵⁴, tsá₃ 'e₂ dse₃ jín₂ dsa₂ riin'⁵⁴ né₃. ⁵ Lé₅ bá₄ caun₂ jnia'⁵⁴ niog₅ mī'⁵⁴ tsá₃ dsian₅ lē₅ jin₄ dsa₂ i₂tsá₃ dse₃ qui₂dsi₂jio₅ dsí₅. Tsá₃ ma₃'e₂ jág₁ dsau₅ cuí'⁵; lín₂ quian'⁵⁴ juá'₅ a₂jme₂tag₂₃, a₂tē₃dsi₅₄ quió'⁵. [Co₂dsia₅ jniag'³ cau₅, tsá₃ lē₁'ú₅ quian'⁵⁴ dsa₂ i₂le₂'éi₂.]^k ⁶ Dsau₅ bá₄ jaun₂ a₂quen₅ juá'₅, la₁ia₁ a₂tē₁dsi₅₄ guē'⁴ lín₃ le₃quió'⁵ dsa₂ i₂le₁'ág₄ tei₄ dsí₅, i₂chan₂ ma₂dsáu₅ dsí₅ 'e₂ cha₂ quió'⁵. ⁷ Ia₁ 'i₁caun₂ tsá₃ 'e₂ le₁quian₁ jniog₄ ca₂o₃náu₅ mī₂güí₃ la₂, on₃ guē'² cha₂ jua'⁵⁴ a₂lé₂ le₃quiong₅₄ 'i₁caun₂ táng₃. ⁸ Ia₁ nē₁jua'² cha₂ bá₄ a₂que₅₄, cha₂ bá₄ tsin'⁵⁴ jniog₄ né₃, co₂jaun₂ bá₄ guē'² jnia'⁵⁴ 'nió'⁵ le₃'éi₁ jniog₄ tei₄ dsi₅ jmó'¹ 'io'². ⁹ La₁ jui₁lia'² dsa₂ i₂'ín₅ dsí₅ le₃cha₂ cu₄ né₃, tsi₂séin'² dso₄, tsi₂séin'² 'nió'³ tsi₁cág'⁵ quió'⁵ i₂sē₃dsen₃, ne₄ ca₂le₃jé₃ a₂'ín₅ dsí₅ a₂tsá₃ ta₁ tí₄, a₂jmóg'² dain₅₄, a₂dsi₂'éin₂ né₃. ¹⁰ Ia₁ a₂ŋí₄ lē₃ 'ín₅ dsí₅ dsa₂ le₃cha₂ cu₄, 'uig₅₄ jaun₂ lé₂ le₃jio₃ ca₂le₃jé₃ ne₅₄ jui₅ 'lig'⁵⁴. Chan₂ i₂lin₅₄ ia₁ a₂'ín₅ dsí₅ a₂jaun₂, ma₂i₂léin₂ cau₅ jui₅ a₂jme₁'éin₂; a₂'uín₅₄ guioin₅₄ ma₂chain₂ jmi₁uig₅ 'nio₅ lín₃.

^{j22} lit. "Tsá₃ caun₂ dsiá'₁ gog'₂ de'₂ tē₂le₃ dséi₂."

^k ⁵ A₂lin₅₄ chog₅₄ si₂ tsá₃ le₁ton₅ jág₁ nē₅.

Dsa₂ i₂quín' ₅ bí₂ ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuín' ₅₄ ca₂le₃jé₃ a₂nē₅. Co₂dsia₅ ŋi₄ bá₄ quian₂ caun₂ jui₅ co₂dsau₅, jme₁dsau₅ quiáng' ₂ të₂le₃ quió' ₅ Diú₄, caun₂ 'én₂ bá₄, chan' ₂ tiá₂ jág₁, caun₂ jme₁'nió₄ ríng' ₂, jme₁juín' ₂ 'au' ₂, jmo₄ meg' ₂ né₃. ¹² Quen' ₂ bí₂ dse₃ o₄quió' ₄ jág₁ a₂'éin₂ jniog₄, jui₁lia' ₂ jan₂ 'lióg₂ quín' ₅ bí₂ ne₄ 'nei₂. Tio' ₂ gog' ₂ ja₁le₃chan₂ co₂tan₅₄ jme₂dsí₂ quiáng' ₂, ia₁ ta₁ jaun₂ ca₂të₃ Diú₄. Ia₁ dse₃ bá₄ ma₂ŋe' ₃ jmo' ₂ jin₄ dsa₂, a₂cué' ₂ léi₄ a₂'éng' ₂. ¹³ Nē₃ né₃, jág₅ bá₄ Diú₄ i₂jmo₅ jén' ₃ ca₂le₃jín₃, jág₅ bá₄ Jesucristo né₃ i₂ca₂jáng' ₃ dse₃ jág₁ dsau₅ ne₄ Poncio Pilato, juíg₂ jniá₂ 'ne₂ ¹⁴ a₂jme₁ti' ₄ 'éi' ₃ nē₅ tsá₃ qui₂rē₂'ióg₄ ia₁jaun₂ tsá₃ cuín₅ jmi₄g₄ jua' ₅₄ të₃jí₂ dsa₂ ca₂lia' ₂ ca₂té₂ jmi₄g₄ i₁guan' ₂ Te₁gui' ₅₄ Jesucristo quián₂. ¹⁵ Jē₁ma₂ca₂té₂ jmi₄g₄ jaun₂, ia₁ jnia' ₅₄ lia' ₂ 'ŋiog₅ bá₄ Te₁gui' ₅₄ Diú₄ jmo₃. 'Ŋiog₅ bá₄ lín₅ i₂jnió₅ i₂'uan' ₂, i₂lín₅ Rag₅₄ quián₅ rag₅₄, Te₁gui' ₅₄ quián₅ ca₂le₃jín₃ juig₅₄ can' ₅₄ i₂chan₂ ne₄ gua' ₅₄ 'uē₃ la₂. ¹⁶ Jnia' ₅₄ lia' ₂ jan₂ 'éi₂ bá₄ i₂chan₂ i₂ca₂lia' ₂ o₁líg' ₂ jmi₄g₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia' ₂ 'i₁jan₂ tsá₃ 'ein₂ qui' ₅₄ jmi₄g₄ jme₃quián₃, i₂tsá₃ 'ein₂ dsa₂ mi₂güí₃ ma₂jág₂, on₃ guē' ₂ qui' ₅₄ jmi₄g₄ jág₂. iCa₂tín₂ bá₄ Diú₄ ca₂le₃jé₃ bí₂! iQuió' ₅ 'éi₂ bá₄ jme₃juag' ₂ dsa₂ co₂tan₅₄! iA₂méi₃! ¹⁷ Jui₁lia' ₂ i₂cha₂ cu₄ mi₂güí₃ la₂, chei' ₅₄ tsá₃ lē₁jui₁jmo₁₂ róin₂, on₃ guē' ₂ jui₁jmo₅₄ 'ín₂ dsí₅ le₃quió' ₅ cu₄, ia₁ a₂lē₁lé₂ dsí₃'én₂ bá₄ cu₄. Co₂dsia₅ gué₄ jmo₅ jui₁jmo₁₂ 'ín₂ dsí₅ të₂le₃ quió' ₅ Diú₄ jén' ₃ i₂jén' ₅ ca₂le₃jé₃ lia' ₂ qui₂rē₂tsón₂ ia₁jaun₂ jmó₁ 'io' ₂ le₃chong₂. ¹⁸ Chei' ₅₄ jui₁jmo₁₂ a₂dse₃ 'ŋio₅ lín₃, jui₁jmo₁₂ 'ŋio₂ dsí₅ jui₁jme₂'oin₅₄ riin' ₅₄ quian' ₅₄ 'e₂ a₂cha₂ ca₂la₂ quió' ₅. ¹⁹ Jaun₂ le₂nē₅ qui₂dsi₃tsón₃ 'uig₅₄ ja₁náu₃ tiá₂ të₂le₃ ne₄ jui₅ ja₁ŋó₄, tó' ₃ gu₂ ja₁le₃chain₂ dsón' ₂.

Jág₁ a₂ca₂tsí' ₃ gué₄ Timoteo jē₁ca₂tó' ₂

²⁰ 'Ne₂ Timoteo, dse₃ jmo₄ 'í₁ a₂ma₂niog₅ ne' ₅₄. Tsá₃ lē₁tón' ₂ jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güí₃ i₂tsá₃ 'én₂. Ní₂ dse₃, tsá₃ tón' ₂ jui₅ jág₁ quió' ₅ dsa₂ i₂ŋí₄ lē₃ 'ŋio₅ ŋi₅ jmo₅, ia₁ on₃jua' ₅₄ dsau₅ dsón' ₂ tin₂ dsa₂ 'éi₂, ia₁ tsá₃ jme₂tag₂₃ lia' ₂ con' ₂ lē₅ juá' ₅ dse₃ dsón' ₂. ²¹ Ia₁ i₂lín₅₄ dsa₂ i₂ca₂rē₃'én₂ jág₁ quió' ₅ dsa₂ le₂'éi₂ ma₂i₂cóin' ₅ bá₄ táng₃ jui₅ quió' ₅ Diú₄ a₂jme₁'éin₂.

Jui₁jme₂gu' ₅₄ bá₄ Diú₄ quiáng' ₂.

Co₂nē₅.